

Rome, (vers juin) 1600.

/ Illustrissime Domine. Etsi non memini, me personam Illustris-
simae Dominationis tuae aliquando vidisse, vidi tamen imaginem si-
millimam tibi in fratre tuo Domino meo Cardinali Radzivilio, cuius
memoria in benedictione sit. Humanitas vero et benevolentia erga me,
5 quam litterae Illustrissimae Dominationis tuae redolent, recrudescere
fecerunt vulnus, quod pene occalluerat, ex obitu Amplissimi Car-
dinalis susceptum. Ego enim ante annos circiter viginti quatuor ob-
servare et colere, dicam etiam amare atque diligere coepi Illustris-
simum illum Antistitem, a quo me sciebam vehementer amari, cum ille
10 me in Scholis quotidie disserentem audiret, sacrificanti pene sem-
per assisteret, frequenter me privatim inviseret, frequentius a me
ipse inviseretur. Accessit postmodum novum vinculum necessitudinis,
cum in Collegium Ordinis amplissimi, in quo ille eminebat, ego quoque
sim cooptatus. Sed cum sperarem, nos iam coniunctis animis et studi-
15 is maiori ope catholicae Ecclesiae profuturos, repente ille in ipso
aetatis flore subtractus est. Ego vero tanto Collega et Domino des-
titutus, ex meo dolore conicio quam moleste tibi fratris amantissi-
mi et Cardinalis optimi interitus inopinatus acciderit. Sed quia
christiani sumus, et a divina providentia regi omnia scimus, cum San-
20 cto Iob dicere debemus, Dominus dedit, Dominus abstulit; sicut Domi-
no placuit, ita factum est, sit nomen Domini benedictum. Quod quidem
quia te, pro tua prudentia atque animi magnitudine, iam fecisse non
dubito, ideo non diutius Illustrissimam Dominationem tuam his meis
litteris morabor. Precabor assidue Deum pro incolumitate tua et pro
25 sempiterna requie fratris; et si quid aliud sit, in quo mea opera
uti volueris, paratum semper ac promptum invenies. Romae 1600.

Fuligatti, Epist. familiares, VII.